

927496895

UNDERTUN KYSTGEIT

Mobilnummer

412 05 545

E-postadresse

sondre_u_@hotmail.com

Kontonummer **** * 37620

Vedtaksdato

09.06.2023

Vedtaket er gjort av

Alver kommune

Søknadsdato

28.02.2023

Vår referanse

2023/1948, Agros 224118

Vedtak om tilskot til spesielle miljøtiltak i jordbruket – Gjerding og beiterydding

Samandrag: Alver kommune har vedtatt å innvilge opptil 26 710 kroner i tilskot til UNDERTUN KYSTGEIT til Gjerding og beiterydding. Frist for å gjennomføre tiltaket og rapportere er 03.06.2026.

Alver kommune viser til søknad av 28.02.2023.

Bakgrunn i saka

UNDERTUN KYSTGEIT søkte om tilskot til spesielle miljøtiltak i jordbruket 28.02.2023. Du søker om totalt 80 344,50 kroner i tilskot for tiltak perioden 01.03.2023-01.03.2024. Totalt kostnadsoverslag for tiltaket har du utrekna til 160 689 kroner.

Driftsomfang på garden: 18 ammegeiter og 17 andre geiter.

Det er søkt om inngjerding av rydding og gjerding av beite, men òg slåttemark.

Tiltaka det vert løyvd til er gode både med tanke på kulturlandskapet og med tanke på dyrevelferd (at geitene ikkje set seg fast i gammalt gjerde).

Grunngjeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskriften) § 1.

Ein kan innvilge tilskot til føretak som oppfyller vilkåra i forskrift av 19. desember 2014 nr. 1817 om produksjonstilskot og avløysartilskot i jordbruket § 2 og § 3 eller § 4.

Tilskot kan også gis til eigar av landbrukseigedom dersom det går føre seg ein produksjon på landbrukseigedom som oppfyller vilkåra for tilskot etter forskrifta som nemnt over. Om du sjølv ikkje eig landbrukseigedom tiltaket skal gjennomførast på, må det ligge føre løyve frå eigar til gjennomføring av prosjekt eller tiltak som nemnt i SMIL-forskrifta § 4 og § 5.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal også førast journal over korleis plantevernmiddel som blir brukte, med opplysningar som nemnt i SMIL-forskrifta § 3 tredje ledd.

Søknaden er vurdert etter prinsippa i naturmangfaldlova §§8-12, jf. §7. Administrasjonen har gjennomgått artskart og naturbase, og etter ei samla vurdering komme fram til at det omsøkte tiltaket ikkje er i strid med prinsippa i §§8-12 i naturmangfaldlova.

Administrasjonen meiner at tiltaket er i tråd med SMIL-ordninga sitt formål jf. Forskrift om spesielle miljøtiltak i landbruket §1. Inngjerding av innmarksbeite og tiltak hos nye bønder er høgt prioritert etter gjeldande SMIL-strategi for Alver kommune.

Gjerding og bruk som beite vil hindre attgroing og bidra til å halde kulturlandskapet i hevd.

Kostnaden er av søkjar sett til 160.689,- og det er søkt om 50% av dette - kr 80,344,50.

Kommunen har i andre saker ikkje gjeve tilskot til inngjerding av slåttemark og dette vert trekt frå når godkjent kostnadsoverslag vert rekna ut. Likeeins kan ikkje kostnad til innkjøp av motorsag støttast med tilskot.

Godkjent kostnadsoverslag er rekna ut frå standardsatsar i tiltaksstrategien som kommunen må halde seg til - sjå nedanfor. Det kan løyvast inntil 50% av godkjente kostnadar.

Satsar jf. tiltaksstrategi:

Restaurering av beite: Inntil kr. 3000,- pr. daa.

Gjerding med saueneot, bendsel og over og undertråd: inntil kr. 80,- pr. meter.

Søknaden er fordelt på 3 områder på bruket. Eit med beiterydding på 5,7 daa. Dette er gamal beitemark med innslag av kratt etter hogst av or for ein del år sidan, som må ryddast. Etter kva vi kan sjå er det ikkje søkt om inngjerding her.

Godkjent kostnad knytt til beiterydding dette området vert:

5,7 daa x 3000kr/daa = kr **17.100,-**

Vidare er det søkt om 454m inngjerding av det som i gardskartet er 1,3 daa skog, 3,6 daa beite og 3,1 daa overflatedyrka jord. I dette tilfellet er det hovudvekt på skog og beite og vi finn å kunne godkjenne dette. Vi oppfattar søknaden slik at det ikkje skal ryddast her.

Godkjent kostnad knytt til inngjerding vert då:

454m x 80 kr/m = **36.320,-**

Endeleg er det søkt om inngjerding av areal som i fylgje gardskartet har slikt areal 2,4 daa skog, 0,9 daa beite, 6,3 daa overflatedyrka jord og 7,3 daa fulldyrka jord. Skogen ser ut til å vere meir å sjå på som innmarksbeite jf. ortofoto. I dette tilfellet er det overvekt av slåttemark framom beit/skog.

Alver kommune kan såleis ikkje godkjenne denne delen av søknaden.

Sum godkjent kostnadsoverslag vert då: kr (17.100,- + 36.320,-) = kr **53.420,-**

Det kan altså løyvast inntil 50% tilskot av godkjent kostnadsoverslag. Tilskot vert då kr 53.420 x 0,5 = **kr 26.710,-**.

Alver kommune har vedtatt å innvilge opptil 26 710 kroner i tilskot.

Vilkår for tilskotet

Frist for å gjennomføre tiltaket og rapportere er 03.06.2026. Dersom du ikkje overheld fristen, fell tilskotet vekk.

Innvilging av tilskot inneber ikkje at tiltaket er godkjent etter anna regelverk, som til dømes plan- og bygningslova, kulturminnelova, naturmangfaldlova, vassressurslova eller forureiningsforskrifta. Du må sjølv skaffe deg slikt løyve dersom det trengs, og dette må du gjere før du går i gang med tiltaket du no har fått tilskot til.

Det kan søkjast om utsetjing av arbeidsfrist i inntil to år ut frå skriftleg grunngjeving, seinast ein måned før oppsett frist går ut.

Gjerde skal vera permanent med gjerdenot, toppstreng og bendsletråd.

Området skal nyttast til beite i minimum 10 år frå løyving.

Løyvd tilskot kan trekkjast attende heilt eller delvis dersom det oppstår tilhøve som er i strid med føresetnadane for ordninga jfr § 10 i forskrifta om spesielle miljøtiltak i jordbruket.

Rapportering og utbetaling

Når tiltaket er gjennomført, må du sende inn dokumentasjon på at tiltaket er gjennomført etter dei vilkåra som er sett i dette brevet. Du skal rapportere om måloppnåing og bruken av tilskottet slik rapporteringsskjemaet angir.

Ved rapportering skal det leggjast ved bilete som syner ferdig arbeid, men òg før arbeidet tek til og under vegs i arbeidet. Dersom delar av tiltaket ikkje vert gjennomført som omsøkt, skal dette gå fram av rapporten. Bilag med timeliste og innkjøpt materiale må òg liggje med. Rapporten må elles vere i samsvar med føringane frå landbruksdirektoratet sitt skjema for rapportering som skal nyttast.

Alver kommune betaler ut det innvilga tilskotet etter at du skriftleg har bede om det, og når vi har godkjent rapport og sluttrekneskapen for prosjektet eller tiltaket. Du kan be om utbetaling digitalt via Altinn.

For eitt-årige eller mindre prosjekt skal utbetalinga som hovudregel skje etter at prosjektet er avslutta. For fleirårige tilskot kan det vere aktuelt å betale ut delar undervegs i prosjektperioden. Delar av tilskotet kan utbetalast etter kvart som du godtgjer framdrift i gjennomføring av tiltaket og vi har godkjend rapporteringa. Minst 25 prosent av tilskotet blir halde attende til tiltaket er fullført og sluttrapporteringa er godkjend.

Landbruksdirektoratet sitt rapporteringsskjema for eingongstiltak/investeringstiltak skal fyllast ut og leggjast ved når du ber om del- og sluttutbetaling. [Bruk denne malen](#)

Godkjent kostnadsoverslag for tiltaket er 53 420 kroner. Utbetalt tilskot kan ikkje overstige 50 % av godkjende kostnader for å utføre tiltaket. Dersom kostnaden for å utføre tiltaket er lågare enn godkjent kostnadsoverslag kan tilskotsbeløpet bli justert ned.

Kontroll

Kommunen, statsforvaltaren og Landbruksdirektoratet kan gjere kontroll etter SMIL-forskrifta § 9.

Omgjering, tilbakebetaling og motrekning

Vedtak om innvilga tilskot kan bli gjort om og utbetalt tilskot kan bli kravd betalt tilbake etter SMIL-forskrifta § 10 dersom det blir avdekka tilhøve som er i strid med det som er føresett ved innvilging av tilskotet.

Klagerett

Du kan klage på dette vedtaket til Statsforvalteren i Vestland. Send klaga til Alver kommune. Vi vil sende saka vidare til Statsforvalteren i Vestland dersom vi ikkje gjer om vedtaket. Klagefristen er tre veker etter at du har motteke dette brevet, jf. forvaltingslova § 29. Du kan òg be om å få sjå dokumenta i saka, jf. forvaltingslova § 18 og § 19.

Meir informasjon

På [nettsidene til Landbruksdirektoratet](#) kan du finne meir informasjon om spesielle miljøtiltak i jordbruket.

Med helsing
Alver kommune

Saksbehandla av: Svein Arne Vågane

Godkjend av: Laila Bjørge